

## MENDITXO BATEN GAINEAN

Gizonaren almenak ederrak dira guztiak. Egilleak, ondo, ekian gure bear izanaren barri ta bizitzarako bear genduzan almenez, ondo orniduta itzi ginduzan. Gure begiak izar bi legez dira, beti aurrera begira. Eurak barik Mora ezin joan, eurak dira gure gidari bizitzako ordu latz eta gozoetan.

Egunaren sorreran zabaltzen dira begiak izadira begira. Dana dago eder, solo ta belardi, eta aldapan gora doan bidetik zerurako atea dirudi. // Lora zuriak ta lamos gorriak baratz orlegian eguzki printzetara dizdizka dagoz, usain gozua zabalduz. Izadi guztia ememiñetan dago bizi-garrez ta usain gozoz ingurua alaiturik ta zentzua eder guztiaren armenetan, barri-giroz zoramenetan.

Izadia ta gizakia alkarren lagun aundi dira. Izadi da gizonaren onipea ta gizona lurreko on guztiaren gozartzaillea. // Egilleak era orretan jarri eban gizonaren bizia emen, lurrean, eta euskaldunarentzat, alan bearrez, Auñamendi aide au izango zan. // Egiz, menditar-te bikaiña, gogoz lan egin nai dauanarentzat. Gaiñak, arruak eta luuak era guztietako lurak daukaz orlegiz jantzirik ta gizonaren eskua, bizi bizirik, agertu izan da gizaldien gizaldietan.

Egiz eguskaldun luna gure arbosen Aberria da ta euren odole-tik datorkigu gure biziaren iturria ta mendi, arrua ta giza izatez, egoki landua izan da gizaldien gizaldietan. // Zentzuna danez goitik bear dau gizonak ta euskaldunak eskolaz ta sinismenez jakin dau bere nortasuna zuzendu ta edertzen. // Gure lurraldeak goi ta be, tontor eta anua inguru guztiak ezbarðiñak daukaz, baiña euzko izakera izatez jatorkon bere ganoraz bizia zuzendu ta edertzen saiatu da.

Begira mendi gain pilitera. Aldatzak zugatz orlegiz jantzita

dagoz ta gaiñean lau aide eder bat solo mamintsuz landuta ta danen artean etxe zuri eder bat lau aritz aundiren erdian. Lau aizetara daukaz bere sustraiak sendo ta ugariak Euskalerra osora begira. Danentzat dauka bere onginaia, danentzat bere agurra goizean goiz askatasun eguzkia sortzen danean.

Gizona egarri da ta iturri bat dauka etxe zuriak aurrean giza-giroa asetzeko... gizona etxe lurreko ur garbia edanda suspertzen da lanerako gogorik bizienez. Baiña lurak landukeran, beste egarri bat asmetan dau bere barnean. Iturri ondolik, agiri-agirian, dauka Euskalerra guztia ta biotzak asmetan dautso aren egarria. Ain eder ta maitagarri zara nire sorteri maitea diño... asetu egizu nire zuregana-ko lei bizia...

Izan bere, bizi-itunirik ederrena norbere sort-iturria da ta aren egia ta maitasuna arnasa sendo emoillea. Zerua aparte, itunirik edentzat dauka egizko maitale kutuna da bere kabia.

Etxe txikitxu zuri politak zaindari bat dauka atean. "Txolin" txakur zuria, beti ernai dago mendietara begira. Ondo zaintzen ten ditu ikasgiñak, eiztariak ta gabaz bideak galdurik dabilzan sorgiñak; ez dau ezertxo be salatu barik izten. Ta ortik sortzen da egizko bake-aroa, maitasuna darion egoitza, poza ta mendigain ederrak darion bakea.

Ta etxe-jauna agertu da anats-beran etxe aurrera ta ederren edereez biotza pozturik, izadiari jalki dautso abestirik gozoena. "Etxe txikitxu zuri polit bat lau aitz aundiren erdian, iturritxo bat aurrean txakur zuri bat atean, antxe bizi naz bakean". Au izan da euskaldunaren ametsa, egia ta poza lau aitz aundiren erdian.

Euskalerriko mendi gaiñean zer dago zerura adi zugatz sendoak dirdari dagoz eskur-miñez zeruari; danen artean ederrena zein dan barruak ezin igarri, ain zara eder, izadi maite, eskerrak Egilleari.

Zelai orleian piztiak dabilz era ezbarðiñekoak aundi ta txiki, zuri ta baltzak bakoitza bere erakoak; auntz ta akerrak adar okerrak bedar gozoz asetsuak asto eder ta zaldi liraiñak pizti berebizikoak.

Danen artean ederren dira, eguzkiaren argitan, bei zuri eta odol gorriak, bedartza orlegietan; goizean goizik gogoz dabilzaz euren janari lanetan esne zuriaz betetuteko ontzi gorriak gabetan.

Oroz goitikan ara zer dagon lau aitz aundiren erdian, etxe zuria leio zabalik eguzkiaren aurrean; txoriak egaz, erleak dardar aritz ederren artian, zoragarria egiz dalarik bizia mendi gaiñian.

Giza biziak bear dabena dauka etxeak oiñean iturritxo dizdikaria arri zurien artean; egazlariak datoz bertara urez asetzen aidean ur garbiaren atsegiñagaz indartzen bizitz-barnean.

Etxe zuriak eskatuten dau berarentzat aiskidia bakardadeko ordu luziak alaituteko bidia; bideak gora, arkaitzak bera alaitsu dabil jendia danen omenez txakur zuriak zaunkaz dabil min gorria.

PAULIN



**Eusko Jaurlaritzaren  
Laguntzaz.**

Kultur Saila'k diruz lagundutako aldizkaria.